



Pele Broberg
Inatsisartunut ilaasortaq
Naleraq

KAIR pillugu § 37 naapertorlugu apeqquteqaammut 2024-053-imut akissut

15-04-2024
Sags nr.: 2024-5045
ID. nr. 91719600

Asasara Pele

Inatsisartut suleriaasianni § 37 naapertorlugu KAIR aamma Mittarfeqarfiit pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Naalakkersuisut uppersarsinnaavaat Inatsisartut taamaallaat akuersissutiginiuguat Mittarfeqarfiit A/S ukiumut 105mio tapiissutaasussat, naatsorsuutit malillugit nunap iluani mittarfittut ingerlatsilluni (Dash 8) Kangerlussuaq takussutissartaa malillugu?

Akissut: "Mittarfeqarfiit A/S pillugu Inatsisartut Inatsisissaattut siunnersuummut nassuiaatini (UKA2022/125), ima allassimavoq:

"Kiffartuussinissamik isumaqatigiissummut 2023-mi 2024-milu tapiissutissatut pisariaqartinneqartussat ukiumut 35 mio. koruuniussasut missiliorneqarpoq. Imapik qulaallugu timmisartuussinermut mittarfittaassat atulereerpata Mittarfeqarfiit isertitarisaraluani isertittarunnaarpagit, tapiissutissatut pisariaqartinneqartoq ukiumut 105 mio. koruuninut qaffanneqassaaq (ukiumi akit nalingat aalajangerneqassaaq). Nunap immikkoortortaanni tamani mittarfinnik kiisalu qulimiguulinnut mittarfinnik ingerlatsinermut, aserfallatsaaliinermut, aserfallatsaaliinermilu kinguaattoorutinut aningaasat tunngassuteqarput. Assersuutigalugu Dash-8 Q200-nik timmisartuussisarlu Kangerlussuaq nunap immikkoortortaanni mittarfittut ingerlatiinnarneqarluni periarfissaasumi, tapiissutissatut pisariaqartinneqartuni aallaavigineqarpoq.

Illersornissaqarfiup pisariaqartitai naammassiumallugit, inuinnarnillu timmisartuussinermut atorneqarsinnaatillugu Kangerlussuaq takinerusumik mittarfeqarluni ingerlatiinnarneqassasoq aalajangerneqassagaluarpata, kiffartuussinissamik isumaqatigiissut ukiumut 158 mio. koruunit missaannik aningaasartaqassaaq."

§ 37 naapertorlugu apeqquteqaammi 2023-042-mi apeqqut nr. 4-mut sionatigut akissutigineqartutut, illersornissaqarfiup Kangerlussuarmik atuinissaa pillugu illersornissaqarfik suli isumaqatiginninniarfigineqarpoq.

Apeqquut 2. Naalakkersuisut inuiaqatigiinnut kingunissaat suunersut nassuarsinnaavaat, maanna Mittarfeqarfiit A/S kangerlussuaq imarpik qulaallugu nunani tamanit tikinneqarinnaanera neriorsuutigimmassuk?

Akissut: Kangerlussuarmi mittarfik illersornissaqarfimmit nutarterneqarluni, ingerlanneqarluni, atorneqarlunilu kiisalu imarpik qulaallugu timmisartuussinernut ammatinneqarluni periarfissami inuiaqatigiit aningaasaqarnerinut kingunissat immikkut misissoqqissaarneqarnikuunngillat. Imaprik qulaallugu timmisartuussinernut Kangerlussuup ammatinneqarnissaa pillugu Naalakkersuisunit Mittarfeqarfiit A/S-imik kiffartuussinissamik isumaqatigiissusiornikuunngillat.

Apeqquut 3. Qanga Naalakkersuisut Inatsisartut aaliangiussaak, kangerlussuup nunap iluani mittarfiunissaa, qimakkamikku?

Akissut: Apeqquut 1-ip aamma 2-p akineqarnerini atuarneqarsinnaasutut, illersornissaqarfiup Kangerlussuarmik atuinissaa pillugu illersornissaqarfik suli isumaqatigiinninniarfigineqarpoq. Imaprik qulaallugu timmisartuussinernut Kangerlussuarmi Mittarfiup ammatinneqarnissaa pillugu Naalakkersuisunit Mittarfeqarfiit A/S-imik kiffartuussinissamik isumaqatigiissusiornikuunngillat.

Apeqquut 4. Namminersorlutik oqartussat pigisaat suliffeqarfiit nammineerisaminnik aaliangiisnnaappat mittarfeqarfeqarnermut tunngasunik, Inatsisartut akuutinnagit?

Akissut: Mittarfiit Timmisartoqarfiit pillugit Inatsisartut inatsisaanni maleruagassiivigineqarput.

Apeqquut 5. Naalakkersuisut tamanut saqqummiussamaarpaat Mittarfeqarfiit A/S kiffartuussinissamut isumaqatigiissutaa, Mittarfeqarfiit A/S ingerlanneqarneranut kiffartuussineq pillugu?

Akissut: Namminersorlutik Oqartussat aamma Mittarfeqarfiit A/S-ip akornanni kiffartuussinissamik isumaqatigiissut www.kanat.gl-imi piaartumik tamanut saqqummiunneqassaaq.

Apeqquut 6. Naalakkersuisut qulakkiissamaarpaat isumaqatigiissutit tamarmik KAIR aamma Mittarfeqarfiit A/S-imut tunngasut saqqummiunneqarnissaat?

Akissut: Kiffartuussinissamik isumaqatigiissutit Naalakkersuisut aallaavittut www.kanat.gl-imi tamanut saqqummiuttarpat.

Apeqquut 7. Naalakkersuisut qulakkeersinnaavaat mittarfissuit atuutilernerannut tunngatillugu, nunatsinni innuttaasunut akisunerulersitsinermik pisoqassanngitsoq, soorlu akiisitsilluni biilnik inunngaveqarneq aammalu akiliutit?


Akissut: Kalaallit Airports inatsisip atuuttup iluani mittarfissanik sanaartorlutillu ingerlatsissapput. Taassuma saniatigut Kalaallit Airportsip taxanut akiliuteqartitsinissaa pillugu § 37 naapertorlugu apeqquuteqaammut 2024-045-mut akissut innersuussutigaa.

**Apequt 8. Naalackersuisut qulakkeersinnaavaat Mittarfeqarfiit A/S
kiffartuussinissamut isumaqatigiissutaani isertitsiviusut tapiissutit avataaneersut,
landskarsimut iluaqutaanissaat taamaasillutillu tapiissutit
minnerpaaffianiitinnissaat?**

Akissut: Mittarfeqarfimmik kiffartuussinissamik isumaqatigiissut niuernermik tunngaveqarpoq, kiffartuussinissamillu isumaqatigiissut atuuffini tamaat oqimaaqatigiilluni. Isumaqatigiissummi tamakkiisumik aningaasartuutit ikilisinneqarnissaannik siunertaqartumik aningaasaliinissat nutaat pillugit, Mittarfeqarfiit aamma Namminersorlutik Oqartussat isumaqatigiissuteqarsinnaapput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Hans Peter Poulsen



Pele Broberg
Inatsisartunut ilaasortaq
Naleraq
inatsisartut@inatsisartut.gl

**Kangerlussuarmi Air Greenlandimi sulisut pillugit § 37 naapertorlugu
apeqquteqaammut 2023-042-mut akissut**

01-11-2023
Suliap nr.: 2023 - 6355
ID nr. 89460894

Asasara Pele Broberg,

Inatsisartut suleriaasianni § 37 naapertorlugu Kangerlussuarmi Air Greenlandimi sulisut pillugit Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1: Ilumoorpa Air Greenland A/S Kangerlussuarmi sulisuni
ataatsimeeqatigisimagaat, qanoq kinguneqassanersoq, Nuummi Ilulissanilu
mittarfissuit piareerpata, Kangerlussuarmilu Air Greenland A/S
sulisoqarnissaanut qanoq kinguneqassanersoq?**

Akissut: Akissuteqarnissamut Naalakkersuisut Siulittaasuata Naalakkersuisoqarfianit akissut una pissarsiarineqarpoq:

"Aap".

**Apeqqut 2: Nuummi aammalu Ilulissani mittarfiit ammarpata Kangerlussuarmi Air
Greenland A/S-ip suliffiutaasa amerlassusaasa allangnornissaat pillugit
Naalakkersuisut piumaffigissavagut paasissutissat suut pigineraat
nassuiaqullugu. Akissut: Akissuteqarnissamut Naalakkersuisut Siulittaasuata
Naalakkersuisoqarfianit akissut una pissarsiarineqarpoq:**

Akissut: Akissuteqarnissamut Naalakkersuisut Siulittaasuata Naalakkersuisoqarfianit akissut una pissarsiarineqarpoq:

"Nuummi Ilulissanilu mittarfiit ammarnerisa kingorna Air Greenlandi Kangerlussuarmi qassinik sulisoqarnissaani, Kangerlussuarmi siunissami qanoq suliaqartoqartigissanersoq apeqqutaassaaq. Tamanna suli ilisimaneqanngilaq. Sulisut ataavartumik paasissutissinneqarluartarnissaasa qulakkeerneqarnissaa siunertaralugu, 2022-p ukiaaniilli qaammatit pingasukkaarlugit Air Greenlandip Kangerlussuarmi sulisut ataatsimeeqatigisarpai."

**Apeqqut 3: Naalakkersuisut Aningaasaqarnermut Ataatsimiititaliamut
qinnuteqarpoq ukiumut Mittarfeqarfiit A/S 105mio tapiissutisarnissaanut, ukiuni 30
tulliuttuni qanoq ajorseriaataatigissava pilersaarutigisamiinnaaniit?**

Akissut: Aningaasanut Inatsimmi konto pingaarneq 72.26.04 kiisalu tapiissutissat amerlassusissaat pillugit Aningaasaqarnermut Akileraartarnermullu Ataatsimiititaliap

suliaq 01.31.06/01009 pillugu aalajangiinera inussiarnersumik innersuussutigaaqka. Tassunga aamma Mittarfeqarfiit A/S pillugu Inatsisartut inatsisaat nr. 19, 21. november 2022-meersoq innersuussutigisinnaavara.

Mittarfeqarfiit A/S-ip ukiuni qulini atuuttussamik kiffartuussinissamik isumaqatigiissusiorfigineqarnissaannut, Inatsisartut Naalakkersuisut isumaqatiginninniarsinnaatinnikuuaat. Taamaattumik ukiunut 30-nut iluarsisuteqartoqassaguni eqqornaviannngillat, § 37-lu naapertorlugu apeqquteqaatip akinissaani sinaakkutaasut iluini tamanna akisinnaannngilara, apeqqutimmi akinissaannut isumalluutit annertuut atorineqassammata, tak. Inatsisartut suleriaasiat, § 37-imi imm. 2.

Apeqqut 4: Eqqorpa Naalakkersuisut ukiumut 105mio Mittarfeqarfiit A/S kiffartuussinissamut isumaqatigiissummut aningaasaliinissamut, ilaatingikkaat ukiumut 53mio Kangerlussuup aningaasalersornissanut?

Akissut: Kisitsit taaneqartoq Mittarfeqarfiit A/S-imut ingerlatsinissamik isumaqatigiissutaasumi (31-3-23-mi atsiorneqartumi) atuuttumi takuneqarsinnaanngilaq, paasisutissalli annertunerusut "Mittarfeqarfiit pillugu Inatsisartut inatsisissaat pillugu siunnersuummut nassuiaatini (UKA2022/125) atuarneqarsinnaapput:

'Imarpik qulaallugu timmisartuussinermut mittarfittaassat atulereerpata Mittarfeqarfiit isertitarisaraluani isertittarunnaarpagit, tapiissutissatut pisariaqartinneqartoq ukiumut 105 mio. koruuninut qaffanneqassaaq (ukiumi akit nalingat aalajangerneqassaaq). Nunap immikkoortortaanni tamani mittarfinnik kiisalu qulimiguulinnut mittarfinnik ingerlatsinermut, aserfallatsaaliinermut, aserfallatsaaliinermilu kinguaattoorutinut aningaasat tunngassuteqarput. Assersuutigalugu Dash-8 Q200-nik timmisartuussisarlu Kangerlussuaq nunap immikkoortortaanni mittarfittut ingerlatiinnarneqarluni periarfissaasumi, tapiissutissatut pisariaqartinneqartuni aallaavigineqarpoq

Illersornissaqarfiup pisariaqartitai naammassiumallugit, inuinnarnillu timmisartuussinermut atorineqarsinnaatillugu Kangerlussuaq takinerusumik mittarfeqarluni ingerlatiinnarneqassasoq aalajangerneqassagaluarpat, kiffartuussinissamik isumaqatigiissut ukiumut 158 mio. koruunit missaannik aningaasartaqassaaq. Kangerlussuarmik ingerlatsinermut aningaasartuutit ilai, kiffartuussinissamik isumaqatigiissuteqarnikkut Illersornissaqarfiup matussusertassagai naatsorsuutigineqarpoq, qanorli annertutigisumik akiliuteqartassanersoq, massakkut isumaqatiginninniarnermi angusassat apeqqutaassapput.'

Nassuiaat: Imarpik qulaallugu inuinnarnik timmisartuussisarnermi Kangerlussuup mittarfittut

ingerlaannarnissaani periarfissaasumi tapiissutissatut pisariaqartinneqartussat eqqarsaatigalugit illersornissaqarfiup Kangerlussuarmik atuiinnarnissaa pillugu illersornissaqarfimmut

isumaqatiginninniarnermi angusassat apeqqutaassapput. Kiffartuussinissamik isumaqatigiissuteqarnikkut illersornissaqarfiup aningaasartuutit ilai matussusertassagai isumaqatigiissutigineqarpoq, qanorli annertutigisumik akiliuteqartassanersoq, isumaqatiginninniarnermi angusassat apeqqutaassapput. (qupp. 26-28)"

Apeqquut 5: Danskit illersornissamut, allalluunniit avataaniit, aningaasaliinerat kangerlussuarmut 53mio amingaataasut matussusissagaluarunikkit, suliffeqarfiit suut paariinnarneqassappat ?

Akissut: Erseqqissaatigissavara, Danmarkimi Naalakkersuisut isumaqatigiissuteqarfigitinnagit inaarutaasumik aningaasartuutissat Naalakkersuisut ilisimangimmatigit.

Naalakkersuisoqarfimma akissuteqarnissamini Mittarfeqarfiit A/S isummersoqatigisimavaa. Mittarfeqarfiit A/S-ip paasissutissiissutigaa, sulisoqarnissami pissutsit arlaqartut apeqqutaassasut, matumani mittarfiup takissusissaa, qanorlu atorneqartiginera ilanngullugu. Taassumap saniatigut Illersornissaqarfiup Kangerlussuarmi pisariaqartitai, suli isumaqatigiissuteqarfigineqanngitsut ilanngullugit. Taassumap saniatigut Naalakkersuisut aamma Danmarkip akornanni sinaakkutissat pillugit isumaqatigiissut 2023-mi aprillip 24-aneersoq, Naalakkersuisut innersuussutigisinnaavaat.

a. Ullumikkutullu takornarianik mittoqarsinnaassava Kangerlussuarmi?

Akissut: Takornarissat siunissami Kangerlussuup mittarfianut aamma tikissinnaasassapput.

Apeqquut 6: Kangerlussuaq aningaasalersorneqassappat ukioq tamaat ammanissaanut, sakkutuunut inuinnarnullu, taava qanoq sunniuteqassava inuiaqatigiinnut imminut akilersinnaasusaanut kisitsisinut tunngaviusunut Nuuk Ilulissallu mittarfissualiorneranut?

Akissut: Tunngaviusunik naatsorsueqqinnerup, kingullermik 2021-mi nutarterneqartup § 37 naapertorlugu akissuteqaammut ilaatinneqarsinnaasut sinnersimavai, taamatullu maannarpiaq naatsorsueqqinnissamut ilisimaneqanngitsut amerlavallaarlutik. Tunngavissat ilisimaneqanngitsut siunissami inuinnaat atuinissaasa annertussusaannut, kikkut inuinnaat atuinerrannik isumaginnittuunissaannut, kiisalu sakkutuut atuinissaat pillugu danskit naalagaaffiannut inaarutaasumik isumaqatigiissusiassamut tunngasuupput.

Taamaattumillu Inatsisartut Suleriaasiani § 37, imm. 2 naapertorlugu tamanna akissuteqarfigisinnaanngilara.

Apeqquut 7: Naalakkersuisut massakkumut ukimut aningaasartuutigisassamaarneqartut Mittarfeqarfiit A/S, Kalaallit Airports International A/S aamma Kalaallit Airports Domestic A/S nunatta karsianut, namminersorlutik pigisaanut suliffeqarfinnut aammalu pisortanut allanut (soorlu kommunit) qassiuppat, qanorlu naatsorsuutinit allaanerutigaat pilersaarusiorneqaaqqaarneraniit, attartugasseeqqinnermiillu 900mio-inik?

Akissut: Apeqquummut tassunga akissutissaq § 37 naapertorlugu akissuteqaammut ilaatinneqarsinnaasut sinnersimavai. Tamatumunnga tunngavissat arlallit, akissuteqaammut ilaatinneqartussat, immikkoortortaqaarfiit toqqaannartumik

aningaasartuuteqarfigisassaas, kisiannili aamma toqqaannartumik
toqqaannanngitsumillu isertitaqarfigisassaas sipaarfigisassaallu pissutaapput.

Taamaattumik Inatsisartut Suleriaasiani § 37, imm. 2 naapertorlugu tamanna
akissuteqarfigisinnaanngilara.

**Apequt 8: Naalackersuisut suut pilersaarutigivaat Kangerlussuup siunissaa
pillugu?**

Akissut: Danmarkimi Naalackersuisut isumaqatiginninniarfiginerisa inernerat
Naalackersuisut utaqqivaat. Illersornissaqarfiup siunissami Kangerlussuarmik atuinissaa
pillugu Danmarkimi Naalackersuisut inaarutaasumik isumaqatigiissusiorfigineqareerpata
aatsaat Naalackersuisut annerusumik saqqummiussisinnaassapput.

Inussiarnersumik inuulluaqqusillunga



Hans Peter Poulsen



Doris J. Jensen
Inatsisartunut ilaasortaq
Siumut

Kalaallit Airports-ip taxa-nut akiliuteqartitsinissaa pillugu § 37 naapertorlugu apeqquaqammut 2024-045-mut akissut

29-02-2024
Suliap nr.: 2024 - 4674
ID. nr. 91190351

Asasara Doris J. Jensen

Kalaallit Airports A/S-ip taxa-nut akiliuteqartitsinissaa pillugu Inatsisartut Suleriaasianni §37 naapertorlugu Naalakkersuisunut apeqquaqarputit. Apeqquaqaatit uannut akineqartussanngorlugu innersuunneqarpoq. Apeqquq matuma kinguliani issuarneqarpoq, akissuteqaatiga kingornaniilluni.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqquq 1 Nuummi mittarfiup tikittunut aallartunullu illorsuartaata saavanut taxat uninnerminni nunamik atuinerannut atatillugu, Kalaallit Airportsimik piginnittut Naalakkersuisut akiliisitsisalnissaat inatsisitigut qanoq tunngavissaqarpa?

Akissut: Siullermik eqqumaffigeqqussavara taxa-nut akiliuteqarnissamik piunasaqaateqarnissaaq pillugu aalajangiisimasut tassaannngimmata Naalakkersuisut, kisiannili tassaammat Kalaallit Airports A/S. Kalaallit Airports A/S aktiaatileqatigiiffiuvoq. Tamanna isumaqarpoq Naalakkersuisut ingerlatseqatigiiffik sinnerlugu taamatut ittunik aalajangiinissamut piginnaatitaanngitsut.

Tulliullugu eqqumaffigeqqussavara Kommuneqarfik Sermersooq terminalip illutassaata nutaap eqqaani biilit uninngasarfissaannut nunaminertamik Kalaallit Airports A/S atugassiisimammat. Tamatuma kingunerisaanik Kalaallit Airports A/S sumiiffimmi sanaartornissamut, ingerlatsinissamut aserfallatsaaliuinissamullu tamakkiisumik akisussaasuvoq. Tassalu sumiiffik akileraarutitigut aningaasalersorneqanngilaq. Peqatigisaanik tamanna isumaqarpoq, ingerlatseqatigiiffik akisussaaffiup taassuma aningaasalersornissaanut sumiiffiup atornerqarneranut akiliummik akiliisitsinissamut periarfissaqartoq.

Neriuppunga matuma siulianiittuni apeqququtit akineqartoq.

Inussiarnersumik inuulluaqqusillunga

Hans Peter Poulsen